

逸周書校釋

蘇子知

PDG

光緒三年三月朔
北崇文書局開雕

大箸疑證明通援據賅洽訓詁一宗古誼攷訂俱有卓裁辭約
義舉鮮涉冗濫采故闡新悉歸諦當方之漢人直儕高鄭非趙
臺卿王叔師之比也至其案定經文如文酌篇之讀劍爲斂定
瘞爲瘞程典篇之讀宗爲崇文傳篇之讀犯爲范度邑篇之讀
賓爲賓讀常爲裳諡法篇之疑失爲矢器服篇之讀因爲茵本
典篇之改利爲祿本於說文周祝篇之疑事爲事本於玉篇類
皆發前人所未發厭愜心理不刊何疑傾佩傾佩間埒鄙見籤
識于上方惟大雅是正壬寅清明後一日年愚弟丁嘉葆讀竟并

周書目錄

卷一

度訓第一

命訓第二

常訓第三

文酌第四

繹匡第五

卷二

武稱第六

允文第七

大武第八

大明武第九

小明武弟十

大匡弟十一

程典弟十二

程寤弟十三

秦陰弟十四

九政弟十五

九開弟十六

劉法弟十七

文開弟十八

保開弟十九

八繁弟二十

卷三

鄮保弟二十一

大開弟二十二

小開弟二十三

文傲弟二十四

文傳弟二十五

柔武弟二十六

大開武弟二十七

小開武弟二十八

寶興弟二十九

鄮謀弟三十

寤傲弟三十一

卷四

武順第三十二

武穆第三十三

和寤第三十四

武寤第三十五

克殷第三十六

世俘第三十七

舊弟四十
今移此

大匡第三十八

舊弟三十七

文政第三十九

舊弟三十八

大聚第四十

舊弟三十九

箕子第四十一

亡

考德第四十二

亡

卷五

商誓第四十三
度邑弟四十四
武倣弟四十五
五權弟四十六
成開弟四十七
作雒弟四十八
皇門弟四十九
大戒弟五十

卷六

周月弟五十一
時訓弟五十二
月令弟五十三

亡

目金
三
謚法弟五十四

明堂弟五十五

嘗麥弟五十六

本典弟五十七

卷七

官人弟五十八

王會弟五十九

卷八

祭公弟六十

史記弟六十一

職方弟六十二

卷九

芮良夫第六十三

太子晉第六十四

王佩第六十五

殷祝第六十六

周祝第六十七

卷十

武紀第六十八

銓法第六十九

器服第七十

周書序

附錄

周書逸文

朱右曾曰周書傳逸昉說文繫之汲冢自隨書經籍志隨志之失先儒辨之不一而逸無以別于逸尙書故宜復漢志之舊題也其書存者五十九篇并序爲六十篇較漢志篇數亡其十有一焉注之者晉五經博士孔鼂每篇題云某某解弟幾此鼂所目也舊但云某某弟幾蔡邕明堂月令論曰周書七十一篇而月令弟五十三可證也唐初孔氏注本亡其二十五篇師古據之以注漢志故云今其存者四十五篇師古之後又亡其三故今孔注祇有四十二篇也然晉唐之世書有二本孔氏解克殷荷素質之旗于王前云一作以前于王解大武三擯厥親云擯一作損李善注文選邱中云周書邱一作苑劉知幾史通云周書七十一章上自文武下終靈景不言有所闕佚與師古說殊唐書藝文志汲冢周書十卷孔鼂注周書八卷二本並列尤明

徵也其合四十二篇之注于七十一篇之本而亡其十一篇者
未知何代要在唐以後矣嗟乎自周至今殆三千載苟獲碎金
殘石于瓦礫之中尙寶之如拱壁山海經之謬悠穆王游行之
荒唐僞紀年之杜撰尙有孳覃綴緝之者況上翼六經下籠諸
子宏深質古若是書者乎漢志儒家有周政六篇周法九篇道
家有周訓十四篇皆不傳傳者唯此儒者顧不甚愛惜任其脫
爛或又從而觝排之甚矣其專己而蔑古也愚觀此書雖未必
果出文武周召之手要亦非戰國秦漢人所能僞託何者莊生
有言聖人之法以參爲驗以稽爲決一二三四是也周室之初
箕子陳疇周官分職皆以數紀大致與此書相似其證一也克
殷篇所敘非親見者不能商誓度邑皇門蒞良夫諸篇大似今
文尙書非僞古文所能彷彿其證二也僞引是書者荀息

引武稱美

女破舌美男破老見戰國策田軫為陳軫章

狼暉

引大匡勇則害上不登于

魏絳程

典居安思危見左氏襄十一年傳

皆在孔子前其證三也夫豐保為保國之謀

武稱著用兵之難常訓之言性文酌文傳之言政俱不悖于孔

孟而說者或謂為陰謀或譏其傾戾嗚呼豈知是書者哉抑又

考之春秋傳曰辛有之二子董之晉於是乎有董史辛有當周

平王時周史辛甲之裔世職載筆或其子適晉以周之典籍往

未可知也觀太子晉篇末云師曠歸未及三年告死者至亦似

晉史之辭六國以後書始廣播墨翟蘇秦蔡澤呂不韋韓非蒙

恬蕭何之倫

蘇秦引和寤解縣不絕四句韓非引寤傲無虎傳翼四句餘詳逸文

以及伏生大小

戴太史公時時節取此書意其時學者誦習亞于六藝故劉歆

班固列之六藝書九家中未嘗以孔子刪定之餘夷之諸子雜

家之例姜士昌曰邱明以博物君子臣素王以垂不朽誦法素

王者不能舍左氏故諸家訓詁率然甚具周書辭特深奧流俗畏難好易不復挈覈愚嘗味乎其言覃思久之夫孔注疎略且多譌闕餘姚盧文弼集諸家校訂間有所釋但恨其未備嗣又得高郵王氏

念孫

海寧洪氏

頤植

之書校定正文及其義訓乃

不揣鄙陋集諸家之說仍是刪違申以己意一攷定正文如文酌樹惠不癢癢譌爲癢羅匡企不滿壑企當爲金之類一正其訓詁如大匡展盡不伊孔注曰伊惟也本儀禮士冠禮注今譌爲推武稱遂其咎之遂當本說文訓亡大匡無播蔬之播當本楚辭注訓棄之類一詳其名物如王會之臺卽司儀之壇矛爲刺兵非句兵之戟作雒畫旅卽旅樹器服一篇皆明器之類凡所訓解悉本前儒而以校訂音釋附焉爰名之曰集訓校釋屬藁於道光丁酉又經陽湖同年丁侍讀

嘉葆

太倉陸孝廉

麟書

同里葛廣文

其仁

商榷輒復隨手更定蓋再易藁矣今夏案牘

餘閒念心力之頗耗感良朋之匡正付之梓人譬左氏傳亦欲待服杜諸儒出而論定云時道光二十有六年丙午夏六月既望識於新安郡齋

周書卷一

嘉定朱右曾集訓校釋

度訓弟一

天生民而制其度度小大以正權輕重以極明本末以立中立

中以補損補損以知足度法極中也聖人制法度審義理之中

故知爵以明等極丁宗洛曰闕處當是辨字孔極以正民正

中外以成命正上下以順政立中所以生正宣之于政以內

□□自邇彌興自遠遠邇備極終也□微補在□□分微在明

明王是以敬微而順分分次以知和知和以知樂知樂以知哀

知哀以知慧內外以知人微者事之幾分者理之秩循乎分之

也○知哀以知慧周文炳本作哀樂以知慧慧愈也廣雅釋詁

凡民生而有好有惡小得其所好則喜大得其所好則樂小

遭其所惡則憂大遭其所惡則哀

孔曰言其性之自然

凡民之所好惡生

物是好死物是惡民至有好而不讓不從其所好必犯法無以

事上民至有惡而不讓不去其所惡必犯法無以事上

春秋傳曰生好

物也死惡物也語與此同孔曰不讓則爭爭則必犯法矣徧行于此尚有頑民而況曰不去

其所惡而從其所好民能居乎若不口力何以求之

孔曰徧謂兼行好惡

也能居乎言不能居也

力爭則力政力政則無讓無讓則無禮無禮雖得

所好民樂乎若不樂乃所惡也

政讀為征取也言風俗之敗知利蔑禮故貪得無饜雖獲所求

亦必不樂不樂則與不獲所求無異矣。洪頤煊曰周禮均人掌均地政閭胥役政喪紀之數鄭杜俱讀政為征史記天官書

天子微諸侯力政徐廣曰政一作征凡民不忍好惡不能分次不次則奪奪則戰

戰則何以養老幼何以救痛疾死喪何以胥役也

忍堅忍也能猶安也不安

其分必至爭戰治化之敝親且不顧而況于此所以令之不行刑之不止也。能猶安易屯卦釋文

明王是以

極等以斷好惡教民次分揚舉力竟任壯養老長幼有報民是